

ԱՐՁԱՆԱԳՐՈՒԹՅՈՒՆ N 10

ՀՀ ԱՐՄԱՎԻՐԻ ՄԱՐԶՊԵՏ ԱՐԳԻՇՏԻ ՄԵԽԱԿՅԱՆԻ ԳԼԽԱՎՈՐԱԾ 2025 ԹՎԱԿԱՆԻ  
ՄԱՐՏԻ 24-ԻՆ, ԺԱՄԸ 10:00-ԻՆ ԿԱՅԱՑԱԾ ԳՈՐԾԱԿԱՐԳԱՎԱՐԱԿԱՆ  
ԽՈՐՀՐԴԱԿՑՈՒԹՅԱՆ

Մասնակցությամբ՝

- Արմավիրի մարզպետի աշխատակազմի գլխավոր քարտուղար՝ Արամ Հովհաննիսյանի
- Արմավիրի մարզպետի խորհրդական՝ Բարսեղ Նիկողոսյանի
- Արմավիրի մարզպետի խորհրդական՝ Երվանդ Խաչատրյանի
- Արմավիրի մարզպետի օգնական՝ Մանվել Մելիքյանի
- Արմավիրի մարզպետի օգնական՝ Նարեկ Խաչատրյանի
- Արմավիրի մարզպետի աշխատակազմի կառուցվածքային ստորաբաժանումների ղեկավարների
- Արմավիրի մարզպետի աշխատակազմի անձնակազմի կառավարման, փաստաթղթաշրջանառության և հասարակայնության հետ կապերի վարչության գլխավոր մասնագետ՝ Տաթևիկ Մկրտչյանի

Քննարկվեց՝

ՀՀ Արմավիրի մարզպետի մոտ 17.03.2025թ. կայացած գործակարգավարական խորհրդակցության ընթացքում մարզպետի կողմից տրված հանձնարարականների կատարման ընթացքը և մարզում առկա մի շարք հրատապ խնդիրներ:

- ՀՀ պետական գույքի կառավարման կոմիտեին ՀՀ Արմավիրի մարզպետի աշխատակազմի ենթակայությամբ գործող հանրակրթական ուսումնական հաստատությունների կողմից անշարժ գույքի հանձնման ուղղությամբ տարված աշխատանքների և արդյունքների վերաբերյալ տեղեկատվությամբ հանդես եկավ՝

ՀՀ Արմավիրի մարզպետի աշխատակազմի քաղաքաշինության, հողաշինության և ենթակառուցվածքների կառավարման վարչության պետ՝ Դավիթ Ավետիսյանը:

Նա զեկուցեց, որ ՀՀ պետական գույքի կառավարման կոմիտեին չհանձնված թվով 7 դպրոցների հանձնման կապակցությամբ կատարվում է ամենօրյա աշխատանք /փաստաթղթերի ուսումնասիրություն, այցելություն դպրոց, քննարկումներ ՀՀ պետական գույքի կառավարման կոմիտեի աշխատակիցների հետ/ և արդյունքների մասին ներկայացրեց ներքոհիշյալ տեղեկանքը՝ աղյուսակի տեսքով:

## ՏԵՂԵԿԱՏՎՈՒԹՅՈՒՆ

### ՀՀ պետական գույքի կառավարման կոմիտեին չհանձնված ՀՀ Արմավիրի մարզպետի աշխատակազմի ենթակայությամբ գործող հանրակրթական ուսումնական հաստատությունների վերաբերյալ

	Անշարժ գույքի անվանումը	Անշարժ գույքի հասցեն	Պետական գույքի կառավարման կոմիտեին չհանձնելու պատճառները	Անշարժ գույքի հետ կապված խնդիրների լուծման վերաբերյալ տարվող աշխատանքները
<b>1</b>	«Արմավիրի Մովսես Սիլիկյանի անվան N6 հիմնական դպրոց» ՊՈԱԿ	ՀՀ Արմավիրի մարզ ք.Արմավիր Շահումյան 20	Դպրոցի տարածքում առկա է շինություն, որը ներկա պահին չի տնօրինվում դպրոցի կողմից	Միջոցներ են ձեռնարկվում դպրոցի կողմից գույքի տնօրինումն ապահովելու համար:
<b>2</b>	«Արմավիրի N 8 հիմնական դպրոց» ՊՈԱԿ	ՀՀ Արմավիրի մարզ ք.Արմավիր Աբովյան 182	Դպրոցի անշարժ գույքի նկատմամբ իրավունքների պետական գրանցման վկայականնում առկա են հողամասի և շինությունների վերաբերյալ անհամապատասխանություններ	<b>Դպրոցի ճշտված վկայականը գրությամբ կներկայացվի Պետական գույքի կառավարման կոմիտե:</b>
<b>3</b>	«Հացիկի Ավետիս Բաղդասարյանի անվան միջնակարգ դպրոց» ՊՈԱԿ	ՀՀ Արմավիրի մարզ, Արմավիր համայնք, գ. Հացիկ 1-ին փ., 262.	Դպրոցի տարածքում առկա են շինություններ, որը ներկա պահին չի տնօրինվում դպրոցի կողմից	Միջոցներ են ձեռնարկվում խնդրի լուծման վերաբերյալ:

4	«Լեռնամերձի հիմնական դպրոց» ՊՈԱԿ	ՀՀ Արմավիրի մարզ, Խոյ խոշորացված համայնք գ. Լեռնամերձ Արագածի 26	Տարածքում առկա է ինքնական շինություն	Աշխատանքներ են տարվում ինքնական շինության օրինականացման համար:
5	«Վարդանաշենի Մ.Մինասյանի անվան միջնակարգ դպրոց» ՊՈԱԿ	ՀՀ Արմավիրի մարզ գ.Վարդանաշեն 1-ին փողոց,24 շենք	Կատարվել է նոր չափագրություն,որից հետո իրականացվելու է սեփականության իրավունքի գրանցման գործընթաց	<b>Հանձնարարվել է դպրոցի տնօրենին ներկայացնելու համապատասխան փաստաթղթեր հանձնման ընդունման գործընթացը կազմակերպելու համար :</b>
6	Արգինայի միջնակարգ դպրոց	Գ. Արգինա, Արովյան 40	Բացակայում է անշարժ գույքի նկատմամբ իրավունքների պետական գրանցման վկայականը:	<b>Պետական գույքի կառավարման կոմիտե ուղարկվել է մարզպետի համապատասխան գրություն կառավարության որոշման նախագիծ շրջանառելու համար:</b>
7	Գեղակերտի միջնակարգ դպրոց	ՀՀ Արմավիրի մարզ Խոյ խոշորացված համայնք Գեղակերտ բնակավայր Մ.Մաշտոցի 22	Հարակից շինությունների սեփականատերերի կողմից որոշակի տարածքի զավթում,ինքնական շինությունների կառուցում	Միջոցներ են ձեռնարկվում ինքնական շինությունների քանդման և հետևանքների վերացման կապակցությամբ:

**ՀՀ Արմավիրի մարզպետը**, քննարկելով վերոնշյալ տեղեկատվությունը, ՀՀ Արմավիրի մարզպետի աշխատակազմի քաղաքաշինության, հողաշինության և ենթակառուցվածքների կառավարման վարչության պետ **Դավիթ Ավետիսյանին հանձնարարեց** շարունակել վերոնշյալ գործընթացների վերաբերյալ իրականացվող աշխատանքները և արդյունքները ներկայացնել ՀՀ Արմավիրի մարզպետի քննարկմանը:

- **ՀՀ Արմավիրի մարզպետի աշխատակազմի ենթակայության պետական ոչ առևտրային կազմակերպություններին անհատույց օգտագործման իրավունքով հանձնված շենքերն ու շինությունները (տարածքները)՝ ներառյալ դրանց զբաղեցրած և սպասարկման համար անհրաժեշտ հողամասերը Հայաստանի Հանրապետության տարածքային կառավարման և ենթակառուցվածքների նախարարության պետական գույքի կառավարման կոմիտեի տնօրինությանը հանձնելու նպատակով ՀՀ Արմավիրի մարզպետի 2024 թվականի ապրիլի 5-ի «Աշխատանքային խումբ ստեղծելու մասին» NՄՈ/165-Ա որոշման մեջ փոփոխություններ կատարելու վերաբերյալ հանդես եկավ**

ՀՀ Արմավիրի մարզպետի աշխատակազմի Կրթության, մշակույթի և սպորտի վարչության պետ Սոնյա Բուդաղյանը: Նա նշեց, որ ՀՀ Արմավիրի մարզպետի 2024 թվականի ապրիլի 5-ի «Աշխատանքային խումբ ստեղծելու մասին» NՄՈ/165-Ա որոշման մեջ փոփոխություններն արդեն կատարվել են և որոշմամբ հաստատված հավելվածում Արման Խաչատրյան ՀՀ Արմավիրի մարզպետի խորհրդական բառերը փոխարինվել են Մանվել Մելիքյան ՀՀ Արմավիրի մարզպետի օգնական բառերով և Գաբրիել Գևորգյան ՀՀ Արմավիրի մարզպետի աշխատակազմի Կրթության, մշակույթի և սպորտի վարչության ավագ մասնագետ բառերը փոխարինվել են Դավիթ Ավետիսյան ՀՀ Արմավիրի մարզպետի աշխատակազմի քաղաքաշինության, հողաշինության և ենթակառուցվածքների կառավարման վարչության պետ բառերով: Համապատասխան գրությունը և որոշումն ուղարկվել են ՀՀ պետական գույքի կառավարման կոմիտե:

- **ՀՀ Արմավիրի մարզպետի աշխատակազմի աշխատակիցների աշխատանքի հաճախելու, հաշվառման մատյանի կորստի հետ կապված փաստական հանգամանքների պարզաբանման, ինչպես նաև աշխատանքային կարգապահության ներքին կանոնների պահպանման հետ կապված հարցերի վերաբերյալ հանդես եկավ**

Հայաստանի Հանրապետության Արմավիրի մարզպետի աշխատակազմի գլխավոր քարտուղար Արամ Հովհաննիսյանը: Նա նշեց, որ հաշվառման մատյանի կորստի փաստով նշանակվել է ծառայողական քննություն, որի իրականացման համար սահմանվել է 30 օրյա ժամկետ, որպեսզի համապատասխան եզրակացության հիման վրա որոշվի գործի հետագա ընթացքը: Կարգապահական վարույթը հանձնարարվել է աշխատակազմի իրավաբանական բաժնի պետ Լիաննա Հարությունյանին: Բացի այդ, ՀՀ մարզպետի աշխատակազմի աշխատանքային կարգապահության ներքին կանոնների կիրառման պահանջով, գլխավոր քարտուղարի հրամանով հանձնարարվել է աշխատակազմի կառուցվածքային ստորաբաժանումների ղեկավարներին վերահսկել և աշխատանքային ամենօրյա ռեժիմով, անձնական պատասխանատվությամբ ապահովել գործավարության կարգի պահանջների կատարումը, հակառակ դեպքում կարգազանց աշխատակիցների նկատմամբ ծառայողական քննության արդյունքում կկիրառվեն կարգապահական ներգործության միջոցներ:

- Խորհրդակցության ընթացում 2025թ ընթացքում իրականացվելիք Սուբվենցիոն ծրագրերի մասին տեղեկատվությամբ հանդես եկավ ՀՀ Արմավիրի մարզպետի աշխատակազմի զարգացման ծրագրերի մշակման և իրականացման բաժնի պետ Լիլիթ Մուշեղյանը:
- ՀՀ Արմավիրի մարզում գրանցված ջերմաստիճանի, ցրտահարության բացակայության և հակակարկտային կայանների աշխատանքի հետ կապված տեղեկատվությամբ հանդես եկավ Արթուր Այվազյանը, որոնք ընդունվեցին ի գիտություն: Վերջինս զեկուցեց նաև «Գյուղատնտեսության ոլորտում ապահովագրական համակարգի ներդրման փորձնական ծրագրի իրականացման համար պետական աջակցության» ծրագրի շրջանակներում կայանալիք քննարկման մասին, որը չառարկվեց:
- Քննարկվեց նաև ներքին հեռախոսակապերի հետ տարվող աշխատանքների և ժամկետների հետ կապված հարցերը, որի առնչությամբ ՀՀ Արմավիրի մարզպետի աշխատակազմի ֆինանսական վարչության պետ Արայիկ Հակոբյանը նշեց, որ աշխատանքներն ընթացքի մեջ են և նախատեսվում է գործընթացն ավարտել մինչև սույն թվականի ապրիլի 20-ը:
- **ՀՀ Արմավիրի մարզպետի կողմից** անդրադարձ եղավ «Հայաստանի Հանրապետության Արմավիրի մարզի Արմավիր համայնքի Լենուլի բնակավայրի 4-րդ փողոցի N 1 7 N3 բազմաբնակարան վթարային շենքերի բնակարաններում փաստացի բնակվող, տիրապետող կամ օգտագործող բնակիչների բնակարանային պայմանների բարելավման նպատակով ֆինանսական աջակցություն տրամադրելու կարգը հաստատելու և «Հայաստանի Հանրապետության 2025 թվականի պետական բյուջեի մասին» Հայաստանի Հանրապետության օրենքում վերաբաշխում, փոփոխություն, Հայաստանի Հանրապետության կառավարության 2024 թվականի դեկտեմբերի 27-ի N 2060-Ն որոշման մեջ փոփոխություններ և լրացումներ կատարելու մասին ՀՀ Կառավարության 340-Ն որոշմանը, համաձայն որի՝ Արմավիրի մարզի, Արմավիր համայնքի Լենուլի բնակավայրի 4-րդ փողոցի 1 և 3 բազմաբնակարան վթարային շենքերի բնակարաններում փաստացի բնակվող բնակիչներին բնակարանային պայմանների բարելավման նպատակով մարզպետի աշխատակազմին հատկացվել է 182.500.0 ՀՀ դրամ, որն ուղղվելու է շահառուների բնակարանների ձեռքբերման համար վկայագրերի միջոցով ֆինանսական աջակցության տրամադրմանը: Հաշվի առնելով այն հանգամանքը, որ մարզպետի աշխատակազմին հանձնարարվել է որոշմամբ նախատեսված աշխատանքների կատարման ապահովումը, ուստի ՀՀ Արմավիրի մարզպետի հանձնարարությամբ աշխատակազմի գլխավոր քարտուղար Արամ Հովհաննիսյանին հանձնարարվեց համակարգել նշված աշխատանքները և պարբերաբար ներկայացնել տեղեկատվություն:
- **ՀՀ Արմավիրի Մարզպետի կողմից հանձնարարական տրվեց** նաև ՀՀ Արմավիրի մարզպետի աշխատակազմի տարածքային կառավարման և տեղական ինքնակառավարման հարցերի վարչության պետ **Գոռ Հովհաննիսյանին՝ առաջիկա**

գործակարգավարական խորհրդակցության ընթացքում զեկուցել Մեծամոր համայնքի իրավական հսկողության կազմակերպման աշխատանքների մասին:

Ամփոփելով քննարկումը, Հայաստանի Հանրապետության Արմավիրի մարզպետ Արգիշտի Մեխակյանը խորհրդակցությունը հայտարարեց ավարտված:



2025-03-28 14:16:05 GMT+4  
Հավաստված է ԷԿԵՆԳ-ի կողմից



ԱՐԳԻՇՏԻ

ՀՀ ԱՐՄԱՎԻՐԻ ՄԱՐԶՊԵՏ՝  
ՄԵԽԱԿՅԱՆ

Արձանագրող՝ ՀՀ Արմավիրի մարզպետի  
աշխատակազմի անձնակազմի կառավարման,  
փաստաթղթաշրջանառության և հասարակայնության  
հետ կապերի վարչության փաստաթղթաշրջանառության  
բաժնի պետ՝ Աննա Միքայելյան